



შირაკი

SHIRAKI

www.opentext.ge

გამოცემის 1937 წლიდან

№16 (9.532)

12 მაისი 2012 წელი

ფასი: 50 თეთრი

ყოველკვირეული გამოცემა

გეგუთვნით, მამრამ არ გეგუთვნით



დედოფლისწყაროს ქორეოგრაფიულ ანსამბლ „შირაქის“ მოცეკვავეებმა პროექტ „ნიჭიერის“ შესარჩევი და მეორე ტურები წარმატებით გადალახეს. ჟიურის სამივე წევრის „კი“, აღფრთოვანება და უამრავი ქება დაიმსახურეს

და მორიგი წარმატების მოლოდინში შემდეგი ტურისთვის მზადებაც დაიწყეს. თუმცა, მხოლოდ პროექტის ეთერში გასვლიდან თვენახევრის შემდეგ, 30 აპრილს გაირკვა, რომ მონაწილეები პროექტს მოულოდნელად იმიტომ გამოეთიშ-

სკანდალი

ნენ, რომ მათი „მონონებელი“ გამოსვლა ქრონომეტრაჟში ვეღარ ჩატიეს. „ნიჭიერის“ ერთ-ერთმა პროდიუსერმა გაზეთ „შირაქს“ განუცხადა, რომ საეთერო დრო შეზღუდულია, ალარც ადგილები იყო და ამ მიზეზით, შემდეგ ეტაპზე გადაყვანილი 100-მდე მონაწილე, დადებითი შეფასების მიუხედავად, პროექტის გარეთ დარჩა. ანსამბლ „შირაქის“ მოცეკვავეებმა, რომლებმაც ჟიურის მოწონება ჯერ დედოფლისწყაროში ჩატარებული ქასთინგის დროს დაიმსახურეს, შემდეგ კი ფალავანდიშვილ-ნიჟარაძე-ჯავახიშვილის ადფრთოვანებაც მოახერხეს და მათივე ფრაზებით რომ ვთქვათ, „დარბაზის ჩათვლით 4 „კი“ მოაგროვეს“ - მხოლოდ გადაცემების ჩანაწერების სატელევიზიო ჩვენების დასრულების შემდეგ აღმოაჩინეს, რომ მიმდევრო ტურში მათ პროექტი აღარავინ ელოდა.

„5 თებერვალს დილის ათი საათიდან რუსთაველის თეატრში სხვადასხვა სახის სარეკლამო გადაღებებზე ვიყავით, ყველა მონაწილეს ცალკე-ცალკე იღებდნენ. ეს ტური წარმატებით დავძლიეთ და საბოლოო ჯამში ჟიურის სამივე წევრის „კი“ მივიღეთ. გეგას და სოფოს დადებითი კომენტარის შემდეგ, ბოლო და გადამწყვეტი სიტყვა ვანო ჯავახიშვილმა თქვა და დაამატა — „ამ ჟანრში ძალიან ბევრი მოღვაწეობს, მაგრამ თქვენ შეძელით, განსაკუთრებული ყოფილიყავით. ოთხი „კი“ გაქვთ დარბაზის ჩათვლით, რადგან მთელი დარბაზი ფეხზე დგასო“. სოფო ნიჟარაძემ აღნიშნა — „ძალიან მოკლე დროში შეძელით შესაძლებლობების საუკეთესოდ წარმოჩენაო“... იყო სიხარულის ყიჟინაც და ინტერვიუები. როგორც გვითხრეს, გველოდებოდნენ მეორე ტურში, მაგრამ გაირკვა, რომ ეთერში საერთოდ არ აჩვენეს ჩვენი გამოსვლა და შესაბამისად, დადებითი შეფასებების მიუხედავად პროექტს გამოვეთიშეთ,“ - აღნიშნავს ანსამბლ „შირაქის“ ხელმძღვანელი ალექსი გაბრიელაშვილი. „გასაგებია, რომ ჟიურის ყველა წევრის დადებითი შეფასება აქვთ, მაგრამ ყველა მონაწილეს წინასწარ კონტრაქტზე აქვს ხელი მოწერი-

ლი. იქ გარკვევით წერია, რომ წინასწარ უცნობია, მათი გამოსვლის ჩანაწერიდან 5 წამი მოხვდება ეთერში, 5 წუთი, თუ საერთოდ არ გამოვიყენებდით ფრაგმენტს ეთერში. ამიტომ, უცნაურია, თუ ვინმემ უკმაყოფილება გამოთქვა. ცხადია, ეს უსიამოვნო და სამწუხარო ფაქტია, მაგრამ საეთერო დროის და შეზღუდული ადგილების გამო ასე მოხდა. წინასწარ არავინ იცოდა, რა ფრაგმენტები მოხვდებოდა ეთერში. ასეთი 100-მდე მონაწილეა. ნახევარფინალში გადასვლასთან რიცხვი უკვე შეივსო და ამიტომ ისინი ფინალს მიღმა დარჩნენ. თუ ვინმეს პრეტენზია აქვს, შეუძლია ჩვენს იურისტებს მიმართოს, მე ვერ გაგცემთ პასუხს,“ - განაცხადა პროექტ „ნიჭიერის“ ერთ-ერთმა პროდიუსერმა ჩვენთან სატელეფონო საუბარში, თუმცა ვინაობის დაკონკრეტება არ ისურვა. „მაყურებლისთვის გამორჩეული სანახაობა რომ შეგვეთავაზებინა და მათი განცვიფრება მცირე დროში მოგვეხერხებინა, ამისათვის სპეციალური ნომერი დავდგით. ცოტა დრო მოგვცეს და ჟიურის წინაშე 2,5 წუთი ხანგრძლივობის ნომერი, ცეკვა „მთიულური“, 10 წლამდე ასაკის 25-მა ბავშვმა შეასრულა.

(გაგრძელება გვ.5)

ფერმერთა მომსახურების ცენტრები - რეგიონებში

უახლოეს დღეებში ქვეყნის მასშტაბით ფერმერთა მომსახურების 12 ახალი ცენტრი ამოქმედდება. ცენტრების მშენებლობა დასასრულს უახლოვდება დედოფლისწყაროშიც. გაზეთ „შირაქის“ ინფორმაციით, მისი განხრის ცერემონია თვის ბოლომდე იგეგმება. როგორც ადგილზე დასაქმებული პერსონალი აცხადებს, სარეაბილიტაციო სამუშაოები დაჩქარებული ტემპით, 24 საათიან რეჟიმში მიმდინარეობს.

ამ ცენტრების შესახებ 8 მაისს გამართულ ტრადიციულ ბრიფინგზე პრეზიდენტის პრესსპიკერმა მანანა მანჯგალაძემაც ვრცლად ისაუბრა. მისი თქმით, აღნიშნულ ცენტრებში ფერმერებს და გლეხებს შემდეგი სერვისით სარგებლობის შესაძლებლობა ექნებათ: 42 სახეობის აგრარული ოპერაცია, რაშიც ნიადაგის მოხვნა, მოსავლის აღება, კულტივაცია, ბოსტნეულის თესვა, შეღავათიან ფასებში შხამქიმიკატებისა და მექანიზაციის

მარაგანაწილების რეალიზაცია, საერთაშორისო და თანამედროვე ტექნოლოგიების ათვისება, სასოფლო მეურნეობის ტექნიკის მომსახურება და სხვა მომსახურებები იგულისხმება. მანჯგალაძისივე განმარტებით, ფერმერები ასევე მიიღებენ 5 სახის ლაბორატორიულ მომსახურებას. „ეს არის ნიადაგის ანალიზი, ცხოველთა მოვლის კვებისა და დაავადებების გამოკვლევა, შხამქიმიკატების ანალიზის ლაბორატორია, კლიმატური

პირობები და პროგნოზირებების ლაბორატორია“, — განმარტა მანჯგალაძემ. პრესსპიკერის თქმით, სერვისების მშენებლობა უკვე სრულდება დედოფლისწყაროში, აბაშაში, ზესტაფონში, ოზურგეთში და სამტრედიამში. „ასევე ამ ჩამონათვალშია გურჯაანი, ამბროლაური, ახალციხე, ბოლნისი და მარნეული“, — დასძინა მანჯგალაძემ.

ილია მარტყოფლიშვილი

მინისძვრას ნგრევა და მსხვერპლი არ მოჰყოლია

გვ. 4

„აბენტუბა ჯართუი გაყიდული მანქანა უემოსავლად ჩაგვითვალს და დახმარება უეგვიფუხვით.“

გვ. 5

ყველაზე სანდო წყარო დედოფლისწყაროში მიმდინარე მოვლანების შესახებ!

- ახალი ინფორმაცია
- სამართლებრივი აქტები
- აუქსიონი
- ტენდერი - ყველაფერი მხოლოდ ჩვენთან!

ის, რასაც სხვაბან ვერ ნაიკითხავთ!

www.dedoplistskaro.ge

სოფელ გამარჯვების გაზიფიცირება სრულდება

აზერბაიჯანული კომპანია „სოკარი“ დედოფლისწყაროს მუნიციპალიტეტის სოფელ გამარჯვებაში რამდენიმე დღეში გაზიფიცირების პროცესს დაასრულებს. ბუნებრივ აირს სოფლის მაცხოვრებლების უდიდესი ნაწილი მიიღებს.

როგორც სოფელ გამარჯვების ტერიტორიული ორგანოს რწმუნებული ელგუჯა ნიკლაური განუთხრო „შირაქთან“ საუბროსას აცხადებს, სოფლის გაზიფიცირების სამუშაოების დიდი ნაწილი უკვე დასრულდა უახლოვდება და მისის მეორე ნახევარში გამარჯვებულნი ბუნებრივ აირს მიიღებენ. რწმუნებულის განმარტებით, ცისფერი ალის გარეშე მხოლოდ სოფლის ორი პატარა უბანი დარჩება, თუმცა ქსელში ჩართვა იქაც იგეგმება.

„ადგილობრივი მაცხოვრებლების ძირითადი მოთხოვნა გაზიფიცირების საკითხის მოგვარება იყო. საქმე იმაშია, რომ მაგისტრალის სამშენებლო სამუშაოები ჩვენს სოფელში წლების მანძილზე ჭიანჭურვებოდა და მოსახლეობის უკმაყოფილებისა და პროტესტის მიზეზი ხშირად ხდებოდა. ახლა კი, სამუშაოების დასრულება მოხერხდა და წლობით ნანატრ ბუნებრივი აირის სიკეთეს სოფელ გამარჯვების მაცხოვრებლებიც სულ მალე გამოიციან,“ - აღნიშნავს სოფლის რწმუნებული.

როგორც „შირაქმა“ გაარკვია, ამ დრომდე ბუნებრივ აირს სოფელ გამარჯვების 20-მდე ოჯახი იღებდა. ადგილობრივების განმარტებით, ბუნებრივი აირი წელიწადნახევარია მხოლოდ სოფლის ცენტრალური უბნის მაცხოვრებლებს მიწოდებდა. ამ ინფორმაციას ჩვენთან საუბარში სოფლის რწმუნებულ ელგუჯა ნიკლაურსაც ადასტურებს.

„მთელი სოფლის მასშტაბით მიღების ჩაფენა უკვე დასრულებულია, „სოკარის“ სპეციალისტების მიერ შემოწმებაც ჩატარდა. ბოლო დროს მოსახლეობის თხოვნა მუდმივად ბუნებრივი აირით უზრუნველყოფას ეხებოდა. ეს პრობლემა ჩვენს სოფელში მწვავედ იდგა და მაღლიანი საქმე გაკეთდა. ამჟამად მაგისტრალის გარეშე მხოლოდ ორი პატარა უბანი გვრჩება, სადაც სულ ათამდე ოჯახი ცხოვრობს. მათ საკითხზეც ვისჯვრებით და ვფიქრობ, დარჩენილი ნაწილის დასრულებასაც მალე დაიწყებენ,“ - ამბობს რწმუნებული.

სოფლის მაცხოვრებლები განხორციელებულ სამუშაოებს „შირაქთან“ საუბარში დადებითად აფასებენ და ამბობენ, რომ მათთვის გაზიფიცირების საკითხი პრინციპულად მნიშვნელოვანია.

ევანგელში „კომპიუტერის ცოდნის გამავრცელებელი საზოგადოება“ დაფუძნდა

10 მაისს ყვარელში, ილია ჭავჭავაძის სახლ-მუზეუმში, „კომპიუტერის ცოდნის გამავრცელებელი საზოგადოება“ დაფუძნდა. იუსტიციის სამინისტროს ინფორმაციით, თანამედროვე სამყაროში კომპიუტერის ცოდნის გავრცელება ისევე მნიშვნელოვანია, როგორც მე-19 საუკუნის მიწურულს წერა-კითხვის სწავლება და გავრცელება იყო.

ლონისძიებს დაესწრნენ საზოგადო მოღვაწეები, საქართველოს საკანონმდებლო და აღმასრულებელი ხელისუფლების, აგრეთვე - ბიზნესსწრეების და არასამთავრობო ორგანიზაციების წარმომადგენლები. გაიმართა სპეციალური თეატრალური წარმოდგენა.

ლონისძიების მიზანია, „კომპიუტერის ცოდნის გამავრცელებელი საზოგადოების“ მნიშვნელობის განსაზღვრა და ყველა დაინტერესებული ადამიანის ჩართვა ამ საზომინებისა ცანების ციელება-



„კომპიუტერის ცოდნის ციელებელი ციელების“ სახლ-მუ-დაფუძნ-ბოლოურია, სწორედ ჭავჭავაძის ოთ,

საუკუნის მიწურულს ქართული საზოგადოების ყველაზე პროგრესულმა და თვალსაჩინო წარმომადგენლებმა წერა-კითხვის ცოდნა მიიჩნიეს ერთ-ერთ მთავარ გამოწვევად. ამის საპასუხოდ, 1879 წელს დაფუძნდა „ქართველთა შორის წერა-კითხვის გამავრცელებელი საზოგადოება“, რომლის საქმიანობამ ფასდაუდებელი გავლენა მოახდინა განათლების ეროვნული სისტემის ჩამოყალიბებაზე და უმნიშვნელოვანესი როლი შეასრულა ქართულ საზოგადოებაში ეროვნული სულისკვეთების გაღვივების საქმეში,“ - აღნიშნეს იუსტიციის სამინისტროში.

„კომპიუტერის ცოდნის გამავრცელებელ საზოგადოებას“ კოლეგიური ორგანო, 5-დან 15 წევრამდე შემადგენლობის მმართველი საბჭო განაგებს, რომელიც არჩეულია.

გიორგობის დღესასწაულზე ჭერებთან

6 მაისს, გიორგობის დღესასწაულზე, კახეთის მხარის გუბერნატორი გიორგი ლვინაშვილი, ასევე დედოფლისწყაროს მუნიციპალიტეტის საკრებულოს თავმჯდომარე ლევან ბალაშვილი, მუნიციპალიტეტის გამგებელი ნიკოლოზ მანშიაშვილი და პარლამენტის წევრი, დედოფლისწყაროს მაჟორიტარი დეპუტატი ავთანდილ ლეკაშვილი ისტორიულ ჰერეთს სტუმრობდნენ.

ოფიციალურმა პირებმა კახის რაიონში ქურმუხის წმინდა გიორგის სახელობის მართლმადიდებლური ეკლესია მოინახულეს და იქ მცხოვრებ ქართველ მოსახლეობას გიორგობა პირადად მიულოცეს.

პრეზიდენტის რწმუნებულმა კახეთის მხარეში, გიორგი ლვინაშვილმა მადლობა გადაუხადა კახის მოსახლეობას ქართული ენის, ტრადიციების, სარწმუნოების შენარჩუნებისა და მომავალ თაობების ამ ტრადიციების ერთგულებით აღზრდისთვის.

გიორგი ლვინაშვილის განმარტებით, აზერბაიჯანის რესპუბლიკის ტერიტორიაზე არსებულ ქართულ სკოლებსა და ქართულენოვანი სწავლების სექტორში 2 452 მოსწავლე სწავლობს.

დედოფლისწყაროს მუნიციპალიტეტის ხელმძღვანელობა საინგილოს განსაკუთრებით ხშირად სტუმრობს, გიორგობის დღესასწაულზე ქურმუხის ტაძრის მოლოცვა კი რაიონის ხელმძღვანელობამ ტრადიციად აქცია.



ლატაკებისთვის სარეიტინგო ქულებზე ლოდინის ვადები შექცირდა

საქართველოს შრომის, ჯანმრთელობისა და სოციალური დაცვის მინისტრმა ზურაბ ჭიაბერაშვილმა ბრიფინგი გამართა, სადაც ახალი ინიციატივა გაახმოვანა. საქართველოს მთავრობამ სოციალურად დაუცველი მოსახლეობისთვის კუთვნილი დახმარების მიღების მოცდის პერიოდის შემცირებასთან დაკავშირებით მიიღო გადაწყვეტილება.

ადრე მოქალაქე, რომელსაც მიზნობრივი სოციალური დახმარების მიღებისთვის საჭირო სარეიტინგო ქულა ენიჭებოდა, ჯანმრთელობის დაზღვევის პოლისს 5-6 თვის შემდეგ იღებდა, ხოლო ფულადი შემწეობა მას 3-თვიანი ლოდინის შემდეგ ეძლეოდა.

მთავრობის ამ გადაწყვეტილებით, მოცდის პერიოდი მნიშვნელოვნად შემცირდა. აღნიშნული ცვლილება ძალაში 1 ივლისიდან შევა. სოციალური დახმარების მიმღები ბენეფიციარები ჯანმრთელობის დაზღვევის პოლისითა და საარსებო შემწეობით სარგებლობას სარეიტინგო ქულის მინიჭებიდან, მაქსიმუმ 2 თვის შემდეგ შეძლებენ.

თვითმკვლელობა ზემო ქედში

სუიციდის მორიგი შემთხვევა დაფიქსირდა დედოფლისწყაროში. სოფელ ზემო ქედში მცხოვრები 31 წლის თემურ ყველაძე, 6 მაისს საღამოს, საკუთარი საცხოვრებელი ბინის სარდაფში თოკზე ჩამომხრჩვალნი ნახეს.

როგორც „შირაქს“ ყველაძეების მეზობლებმა განუცხადეს, მამაკაცმა თვითმკვლელობა ადრეც სცადა. წინა შემთხვევის დროს მან სანამლაგი დალია, თუმცა მაშინ მისი გადარჩენა მოხერხდა.

ზემო ქედის მაცხოვრებლები აცხადებენ, რომ უკანასკნელად მამაკაცი ალკოჰოლური ზემოქმედების ქვეშ მყოფი შეინიშნეს. მათი მტკიცებით, ყველაძე ალკოჰოლური თრობის შემთხვევაში მუდმივად თვითმკვლელობაზე საუბრობდა.

„შირაქის“ ინფორმაციით, გარდაცვლილის ოჯახი უკიდურეს სიდუხჭირეში ცხოვრობს. მამაკაცი დაქორწინებული არ გახლდა. ერთ-ერთი ვერსიით, შესაძლოა თვითმკვლელობის მიზეზი სწორედ ეკონომიური პრობლემები, ან სიყვარული გამბდარიყო. სოფელში მომხდარზე საუბარი უჭირთ. გარდაცვლილის ოჯახი კი დაკრძალვისთვის საჭირო ხარჯების არარსებობაზე საუბრობს.

ბოლო რამდენიმე კვირის მანძილზე დედოფლისწყაროში ეს თვითმკვლელობის უკვე მეოთხე შემთხვევაა. მომხდართან დაკავშირებით შს დედოფლისწყაროს პოლიციის რაიონულ სამმართველოში აღძრულია სისხლის სამართლის საქმე, მიმდინარეობს წინასწარი გამოძიება.

მიხეილ სააკაშვილი აეროპორტთან ვენახის გაშენების ინიციატივით გამოდის

საქართველოს პრეზიდენტი თბილისის საერთაშორისო აეროპორტთან ვენახის გაშენების ინიციატივით გამოდის. მიხეილ სააკაშვილის თქმით, ქართველები სულ ამბობენ, რომ საქართველო ღვინის ქვეყანაა, მაგრამ ტურისტები ჩამოსვლისას ამას ვერ ხედავენ.

„მერიას ვთხოვ, აეროპორტთან გამოყოს დიდი მიწა, დავრგოთ ძალიან დიდი ვენახი და გავანათოთ, რადგან ღვინეობა ჩვენი ტრადიციული საქმიანობაა, რასაც დავინახავს, ვენახი იყოს. ყველა ჩამოსულ სტუმარს ერთი პატარა ბოთლი ვაჩუქოთ, რომ თან წაიღოს სუვენირად. ბავშვებს უნდა ვასწავლოთ ღვინის დაყენება, რადგან საქართველოში არ უნდა იყოს არც ერთი ჰექტარი დაუმუშავებელი მიწა, სადაც შეიძლება იყოს ვენახი. ვენახმა ძალიან გამოიტაცა. ის ჩვენი ნაციონალური იდეოლოგიის ნაწილია,“ - აღნიშნა პრეზიდენტმა.

მიხეილ სააკაშვილის აზრით, საქართველოს სკოლებში აუცილებლად უნდა ისწავლებოდეს ორი რამ - ცეკვა და მეღვინეობა.

გურჯაანს ახალი გამგებელი ჰყავს

გურჯაანის მუნიციპალიტეტს ახალი გამგებელი ჰყავს - საკრებულოს თავმჯდომარე ზაქარია ანაგანაშვილმა გამგებლის თანამდებობაზე დავით მესხიშვილის კანდიდატურა წარადგინა.

როგორც რადიო „ჰერეთს“ განუთხრო „კახეთის ხმები“ აცნობეს, დეპუტატთა უმრავლესობამ კანდიდატურას მხარი დაუჭირა. ახალი გამგებლის, დავით მესხიშვილის თქმით, საჯაროსამსახურში მუშაობა ჯერ კიდევ 2001 წლიდან ერთ-ერთ საჯარო დაწესებულებაში მსახურობიდან დაიწყო.

„შეიძლება ითქვას, რომ ყველაზე დაბალი საფეხურიდან დავიწყე მუშაობა. ვმუშაობდი უზენაეს სასამართლოში, შემდეგ ვიყავი საქართველოს უზენაესი სასამართლოს დარბაზის მეთვალყურე, ბოლოს კი სხდომის მდივანი. 2005 წელს გადავედი შინაგან საქმეთა სამინისტროში, ვმუშაობდი იურიდიულ სამმართველოში უფროს ინსპექტორად. 2006 წლიდან ვიყავი საქართველოს ინტერპოლის ეროვნული ცენტრალური ბიუროს უფროსის მოადგილე, ხოლო 2008 წლიდან დღემდე შინაგან საქმეთა სამინისტროს აკადემიისადმინისტრაციის უფროსი,“ - განაცხადა გურჯაანის ახალმა გამგებელმა დავით მესხიშვილმა.

გურჯაანში გამგებლის თანამდებობა ვაკანტური მას შემდეგ გახდა, რაც შოთა უტიშვილმა თანამდებობა 2011 წლის დეკემბერში დატოვა. შეგახსენებთ, რომ ამ დრომდე გამგებელი არ ჰყავს სიღნაღის მუნიციპალიტეტს.

საუელე სწავლება - კალიების წინააღმდეგ

სურსათის ეროვნული სააგენტოს მცენარეთა დამცველების მონაწილეობით დედოფლისწყაროს მუნიციპალიტეტის საზღვრისპირა ტერიტორიებზე კალიების გავრცელების გამოკვლევების ძირითად პრინციპებთან დაკავშირებული რეგიონალური სწავლება გაიმართა. როგორც სურსათის ეროვნული სააგენტოს პრეს-ცენტრიდან „შირაქს“ აცნობეს, სპეციალისტთა ჯგუფი დედოფლისწყაროს 8 მაისს სტუმრობდა.

საუელე ტრენინგში მონაწილეობას ქართველ სპეციალისტებთან ერთად აზერბაიჯანელი და სომეხი მცენარეთა დამცველებიც იღებდნენ. ლონისძიება FAO-ს (გაეროს სურსათისა და სოფლის მეურნეობის ორგანიზაცია) პროექტის „კალიების კონტროლის გაუმჯობესება ამიერკავკასიისა და შუა აზიის ქვეყნებში“ — ფარგლებში განხორციელდა.

ტრენინგში ასევე მონაწილეობდა FAO-ს ექსპერტი საიდ ლაგნაუი. ძირითადი განსახილველი თემები იყო სანავიგაციო სისტემების გამოყენების შესწავლა, მათი დახმარებით გამოკვლეული ფართობების აღნიშვნა და გამოანგარიშება, შესაბამისი დოკუმენტაციის შედგენა, რუკაზე დატანილი კოორდინატების განსაზღვრა, განსაზღვრული ფართობების მოძიება და გამოკვლევებისათვის საჭირო სხვა ქმედებები.

შეგახსენებთ, გასულ კვირას იტალიური კალიის მასობრივი გავრცელების ფაქტი გამოვლინდა ახმეტის მუნიციპალიტეტის ტერიტორიაზეც. სპეციალისტები შესაბამის სამუშაოებს უკვე იწყებენ.

ასე იმარჯვებს მზე გაზაფხულის...

9 მაისი ფაშიზმზე გამარჯვების დღეა. ექვს ათეულ წელზე მეტია, ეს თარიღი აღინიშნება ბევრ ქვეყანაში, განსაკუთრებულად კი მაინც პოსტსაბჭოთა სივრცეში. ჰიტლერს, რომელიც მსოფლიო ბატონობის მანიით იყო შეპყრობილი, და რომელმაც თითქმის ნახევარი ევროპა დაიპყრო, საბჭოთა კავშირის გასანადგურებლად შემუშავებული ჰქონდა გეგმასახელწოდებით „ბარბაროსა“ რომლის მეშვეობითაც იგი საბჭოთა კავშირის უმოკლეს დროში დამარცხებას ითვალისწინებდა, თუმცა გეგმა მოსკოვის კედლებთან ჩაიშალა.

ორი წლის მანძილზე გერმანია ცდილობდა წელში გაეტეხა საბჭოთა კავშირი, მაგრამ ამაოდ. საბჭოთა კავშირის მრავალრიცხოვანმა არმიამ შეძლო თავისი საზღვრებიდან გაედევნა ფაშისტური არმია, და ბოლომდე გაანადგურა კიდეც, მაგრამ ეს დიდი მსხვერპლის ფასად დაუჯდა. 1945 8 მაისს ქართველმა ქანთარამ და რუსმა ეგოროვმა გერმანიაში რაიხსტაგის თავზე საბჭოთა კავშირის დროშა აღმართეს.

ამ ომს ქართველების გარეშე არ ჩაუვლია. 700 ათა-

სამდე ქართველი იბრძოდა, რომელთა ნახევარიც კი ვერ დაბრუნდა სამშობლოში. მაშინ უამრავი ქართველი მონაწილეობდა ამ ომში, თან ისეთი თავგანწირვით, როგორცაც მხოლოდ საკუთარ მინა-წყალს დაიცავდა. არც იყო გასაკვირი, მაშინ ხომ საბჭოთა იმპერია ერთ დიად სამშობლოსთან ასოცირდებოდა. დღეს ბევრი საუბრობს იმაზე, უნდა აღინიშნებოდეს თუ არა 9 მაისი, როგორც ფაშიზმზე გამარჯვების დღე. ამ მოსაზრებასთან დაკავშირებით ორივე მხარეს საკუთარი არგუმენტი აქვს, მაგრამ ალბათ, დამეთანხმებით, რომ ამ დღის აღნიშვნა პირველ რიგში იმ ადამიანების პატივისცემას, ვინც ამ ომში იბრძოდა. ზოგმა სიცოცხლე ბრძოლის ველზე დაასრულა, ზოგიერთი კი ომის ჭრილობებს, ფიზიკურსა თუ სულიერს, წლობით იშუშებდა.

სამოცდაშვიდი წელი გავიდა სამამულო ომის დამთავრებიდან. 9 მაისს, დედოფლისწყაროს მუნიციპალიტეტში 52 ვეტერანმა იზეიმა გამარჯვების დღე. მათ საპატივსაცემოდ ყველა სოფელში გაიმართა კონცერტი და ტრადიციული სადღესასწაულო სადილი.

ქალაქ დედოფლისწყაროს, სოფელ სამრეკლოსა და ხორნაბუჯის სამამულო ომის ვეტერანები დედოფლისწყაროს შინმოუსვლელთა მემორიალთან, ტრადიციულად, წელსაც შეიკრიბნენ. ახალგაზრდებმა ყვავილებით და გვირგვინებით შეამკეს მეორე მსოფლიო ომში დაღუპულთა ხსოვნის მემორიალი. ვეტერანებს გამარჯვების დღე მიულოცეს მუნიციპალიტეტის საკრებულოს თავმჯდომარემ ლევან ბალაშვილმა, მუნიციპალიტეტის გამგებელმა ნიკოლოზ შანშიაშვილმა, ავთანდილ ლეკაშვილმა საქართველოს პარლამენტის მაჟორიტარმა დეპუტატმა დედოფლისწყაროდან. საკრებულოს და გამგეობის, ტერიტორიული ორგანოების და სხვადასხვა სამსახურების წარმომადგენლებმა. შეხვედრაზე ვეტერანებმა საბრძოლო ეპიზოდები გაიხსენეს. საზეიმო კონცერტში, რომელიც დედოფლისწყაროს კულტურისა და სპორტის ცენტრის ორგანიზებით გაიმართა, მონაწილეობდნენ ფოლკლორულიანსამბლები: „ხორნაბუჯი“, „ქიზიყი“, „მანდილი“ და „იმედი“.

ინბა შიოლაშვილი



აზიაში ის დაიწყო მეორე იაპონია-ჩინეთის ომით 1937 წლის 7 ივლისს და ევროპაში გერმანიის თავდასხმით პოლონეთზე 1939 წლის 1 სექტემბერს. საომარი მდგომარეობა ევროპაში დასრულდა 1945 წლის 8 მაისს ვერმანის კაპიტულაციით, ხოლო აზიაში -- 1945 წლის 2 სექტემბერს იაპონიის კაპიტულაციით. მეორე მსოფლიო ომის განმავლობაში გერმანია, იტალია და იაპონია აწარმოებდნენ დამპყრობლურ ომებს მსოფლიოს მრავალი ქვეყნის წინააღმდეგ. მათი მთავარი მიზნაღმდეგეები იყვნენ: საფრანგეთი, დიდი ბრიტანეთი და ჩინეთის რესპუბლიკა, რიბენტროპ-მოლოტოვის პაქტის დარღვევის შემდეგ საბჭოთა კავშირი და იაპონიის პერლ-ჰარბორზე თავდასხმის შემდეგ ამერიკის შეერთებული შტატები.

მეორე მსოფლიო ომის ძირითადი ბრძოლის ადგილი იყო: აზია, წყნარი ოკეანის აუზი, ევროპა და ჩრდილოეთ აფრიკა. საომარი შეტაკებები მიმდინარეობდა აგრეთვე ჩრდილოეთ ამერიკაში (არქტიკა) ალასკასა და გრენლანდიაზე, ახლო აღმოსავლეთში - ერაყსა და ირანში, აღმოსავლეთ აფრიკაში - ეთიოპიასა და სომალში, აგრეთვე სამხრეთ ამერიკაში (სურინამის დაპყრობა), ტიბეტში (ტოლსტოი-დოლანის მიხა) და ანტიარქტიკაზეც კი (ოპერაცია ტაბარინი).

მეორე მსოფლიო ომმა იმსხვერპლა 60 მილიონამდე ადამიანის სიცოცხლე, მათ შორის 20 მილიონამდე მშვიდობიანი მოსახლის. ომის სულსკვეთება გაყვნიებული იყო მძლავრი იდეოლოგიებით, რამაც ურიცხვი სამხედრო დაზარალებული და მშვიდობიანი მოსახლეობაზე სისტემატიური ძალადობა გამოიწვია, რომელიც გენოციდშიც კი გადაიზარდა.

ომისწინა პერიოდი

XX საუკუნის 20-იან და 30-იან წლებში ევროპის ბევრი სახელმწიფო ტოტალიტარული რეჟიმის მმართველობის ქვეშ აღმოჩნდა. 1922 წელს იტალიისათავეში ბენიტო მუსოლინი და ფაშისტური პარტია მოექცა. მათი ექსპანსიური საგარეო პოლიტიკის შედეგი იყო ეთიოპიის (1936) და ალბანეთის (1939) დაპყრობა იტა-

ლიის მიერ.

გერმანიაში ამ პერიოდში ძლიერდებოდა ნაცისტური პარტია, რომელმაც საბოლოო გამარჯვებას 1933 წლის არჩევნებში მიაღწია და პარტიის ლიდერი, ადოლფ ჰიტლერი გერმანიის კანცლერი გახდა. ჰიტლერის საგარეო პოლიტიკა მიმართული იყო „ვერსალის ზავის“ წინააღმდეგ, მიზნად ისახავდა ე.წ. „გროსდლიჩე რაიხის“ შექმნას და „საარსებო გარემოს“ მოპოვებას აღმოსავლეთში.

ზარის მხარის (1935), რაინის ოლქის (1936), ავსტრიის (1938) და სუდეტის მიწების (1938) მიერთებით ჰიტლერმა თავისი გეგმის პირველი ორი პუნქტი მეტ-ნაკლებად შეასრულა. ინგლისსა და საფრანგეთის დათმობითმა პოლიტიკამ ყოველივე ამას დიდად შეუწყო ხელი. მაშინაც კი, როცა გერმანიამ ჩხვითი მთლიანად შეიერთა (1939 წლის მარტი) ინგლისი და საფრანგეთი მხოლოდ პროტესტის ნოტივით დაკმაყოფილდნენ.

ამ მოვლენებიდან მცირე ხნის შემდეგ ლიტვამ გერმანიის დაუთმო მემლის მიწები, სლოვაკეთი დამოუკიდებელი დარჩა, თუმცა გერმანიის პატრონაჟის ქვეშ. ძნელი მისახვედრი არ იყო რომ ამ ქვეყნების შემდეგ ჯერი პოლონეთზე მიდგებოდა. ამის საპირისპიროდ პოლონეთის, საფრანგეთის და ინგლისის მთავრობებმა ხელი მოაწერეს ურთიერთდახმარების ხელშეკრულებას.

1939 წლის აგვისტოში ყველასათვის მოულოდნელად გერმანიამ და სსრკ-მ ხელი მოაწერეს „ურთიერთთავდაუხსნელობის პაქტი“, ე.წ. „რიბენტროპ-მოლოტოვის პაქტი“, რომლის დამატებით, საიდუმლო პროტოკოლში ზუსტად იყო განსაზღვრული ამ ორი ქვეყნის ტერიტორიული ამბიციები აღმოსავლეთ ევროპის დაპყრობის შემთხვევაში. პოლონეთი გერმანიასა და სსრკ-ს შორის უნდა გაყოფილიყო, ხოლო ბალტიის ქვეყნები და ფინეთისსრკ-ის „ინტერესების სფეროდ“ ცხადდებოდა.

იაპონიის ექსპანსიური პოლიტიკა XX საუკუნის 30-იან წლებში

ომის ქრონიკა

დაიწყო. ამ ქვეყნის უმთავრესი ინტერესი ჩინეთის რესპუბლიკა იყო, რომლის ჩრდილოეთი რეგიონი, მანჯურია, 1931 იაპონიის მიერ იქნა ანექსირებული და მანშუს პროტექტორატის სახელით მისი გავლენის ქვეშ იმყოფებოდა. საერთაშორისო პროტესტის გამო იაპონიამ დატოვა „ურთა ლიგა“ 1933 წელს და 1936 წელს შეუერთდა „ანტიკომინტერნის პაქტს“.

1937 წელს დაიწყო იაპონია-ჩინეთის მეორე ომი. ევროპაში მეორე მსოფლიო ომის დაწყებამ იაპონიას ინდოჩინეთის დაპყრობის საშუალება მისცა. ამის საპასუხოდ აშშ-მა და დიდმა ბრიტანეთმა იაპონიას ემბარგო დაადეს და შეუწყვიტეს ფინანსური დახმარება. 1940 წელს იაპონია შეუერთდა „ბერლინი-რომის პაქტს“. ემბარგოს გამო იაპონიის ეკონომიკა რესურსების დიდ ნაკლებობას განიცდიდა და იმპერატორის სამხედრო წრე ერთადერთ გამოსავალს ამ კრიზისიდან აშშ-სა და ბრიტანეთის წინააღმდეგ ომში ხედავდა.

ომის მიზნები

მეორე მსოფლიო ომი ევროპაში იყო გერმანიის მიერ წამოწყებული დამპყრობლური და გამანადგურებელი ომი აღმოსავლეთში „საარსებო გარემოს“ (გერმ. „Lebensraum“) მოპოვების მიზნით. გერმანიის საგარეო პოლიტიკის საგარეო სქემის ძირითადი კომპონენტებს შეადგენდნენ:

- კავშირი იტალიასა და იაპონიასთან;
 - ბრძოლა გერმანიისთვის გამანადგურებელი შედეგების მომტან ე.წ. „ებრაულ მსოფლიო შეთქმულების“ წინააღმდეგ;
 - ანტიბოლშევისტური გამანადგურებელი ბრძოლა აღმოსავლეთში „საარსებო გარემოს“ მოპოვებისათვის და დაპყრობილი ტერიტორიების გერმანიელებით დასახლება.
- გერმანიის საბოლოო მიზანი იყო მსოფლიოში გაბატონებული პოზიციის მოპოვება. „გერმანია იქ-

ნება მსოფლიოში გაბატონებული ძალა ან საერთოდ არაფერი არ იქნება“ წერდა ჰიტლერი თავის ნიგნში „მან კამფი“.

დაპყრობილი საბჭოთა კავშირი უნდა დაყოფილიყო სხვადასხვა ოლქებად რაიხსკომისრების მმართველობის ქვეშ. აქედან ბელორუსები, უკრაინელები და ბალტიისპირეთის ხალხები „საარსებოდ ვარგისად“, ხოლო რუსები კი „დაბალ რასად“ იქნენ შეფასებული. დაპყრობილი აღმოსავლეთ ევროპა დასახლებული უნდა ყოფილიყო გერმანელი გლეხებით და ჯარისკაცებით, ე.წ. „შეიარაღებული გლეხებით“ (გერმ. „Wehrbauern“). ნაცისტური ელიტის განზრახვით აღმოსავლეთ ევროპის ხალხები, მათი სამოქალაქო ელიტის განადგურების შემდეგ, უნდა დარჩენილიყვნენ „გაუნათლებლები, მორჩილი და გამრჯე“ და ემუშავათ გერმანიისათვის.

1933 წლამდე ეს იდეები სერიოზულად არავის მიუღია, თუმცა ჰიტლერის პოლიტიკა სხვა არაფერი იყო თუ არა ამ გეგმის ეტაპობრივი განხორციელება. 1936 წლის აგვისტოში მიღებული „ოთხნობიანი გეგმა“ ითვალისწინებდა გერმანიის არმიის და ეკონომიკის საბრძოლო ვითარებისათვის მომზადებას ორი განსხვავებული ვარიანტისათვის: 1) 1941-1942 წ.წ. - გერმანიისათვის პოლიტიკური და სამხედრო თვალსაზრისით არახელსაყრელი ვარიანტი. 2) 1944-1945 წ.წ. - შედარებით ხელსაყრელი ვარიანტი.

1937 წლის 5 ნოემბერს ჰიტლერმა თავისი გეგმები დაწვრილებით და დაზუსტებით წარუდგინა ვერმანტის გენერალიტეტს.

მეორე მსოფლიო ომის შედეგები

მეორე მსოფლიო ომმა უდიდესი გავლენა იქონია კაცობრიობის ბედზე. გერმანია, იტალია და იაპონია გამოეთიშნენ მსოფლიოს, როგორც ძლიერი სახელმწიფოები. ევროპაში გადამწყვეტი როლი აშშ-ს და მსოფლიოში ახლად გაბატონებულ სსრკ-ს ჰქონდათ მას შემდეგ,

რაც 1940 გერმანიამ საფრანგეთი დაიპყრო, ხოლო დიდი ბრიტანეთი უძლური იყო დემარცხებინა გერმანია. ომშიმონაწილეობდა 72 სახელმწიფო (დედამიწის მოსახლეობის 80%). ბრძოლები მიმდინარეობდა 40 სახელმწიფოს ტერიტორიაზე. შეიარაღებულ ძალებში მობილიზებულ იქნა 110 მლნ. კაცი. დაიღუპა 62 მლნ. კაცი (სსრკ - 27 მლნ., გერმანია - 5,25 მლნ., პოლონეთი - 4,5-6 მლნ., იუგოსლავია - 1,7 მლნ., იაპონია - 1,8 მლნ., აშშ - 318.000, დიდი ბრიტანეთი - 386.000, საფრანგეთი - 810.000, იტალია - 330.000, რუმინეთი - 378.000, უნგრეთი - 420 000, ფინეთი - 84 000), სამხედრო ხარჯები და ზარალი 4 ტრილიონ დოლარს შეადგენდა.

ომს თან სდევდა საშინელი ნგრევა. განადგურდა ათათასობით ქალაქი და სოფელი, უზღვეურება თავდაატყდა ათეულნი მლნ. ადამიანს. ამ ომში საბოლოოდ განადგურდა ფაშიზმი, როგორც საერთაშორისო იმპერიალიზმის დამკვერელი ძალა. ომმა ცხადყო სოციალიზმისა და სსრკ-ის, მსოფლიოში პირველი სოციალისტური სახელმწიფოს უძლველობა. ანტიჰიტლერულიკოალიცია გადამწყვეტმა გამარჯვებამ ხელი შეუწყო რევოლუციურ გარდაქმნებს მსოფლიოს მრავალ ქვეყნებში. მეორე მსოფლიო ომის შედეგებმა გააძვირა და დააჩქარა მთელ რიგ ქვეყნებში სახალხო-დემოკრატიული და სოციალისტური რევოლუციების გამარჯვებას. სოციალიზმის გზას დაადგა ევროპის ქვეყნები (100 მლნ. კაცი). კაპიტალისტურ სისტემას ჩამოსცილდა აზიის სახელმწიფოები (1 მლნ. კაცი), სოციალიზმი იქცა მსოფლიო სისტემად. კაპიტალისტურ ქვეყნებში დაჩქარდა ხალხის მასების კარგეოლუციურების პროცესი, გაიზარდა კომუნისტური და მუშათა პარტიების გავლენა, მსოფლიო კომუნისტური და მუშათა მოძრაობა ავიდა ახალ, უფრო მაღალ საფეხურზე. სსრკ-მა გადამწყვეტი როლი ითამაშა ფაშისტურ გერმანიაზე გამარჯვებაში. მეორე მსოფლიო ომი წარმოადგენს უდიდეს ეტაპს სამხედრო ხელოვნების განვითარების ისტორიაში.

მინისძვრას დედოფლისწყაროში ნგრევა და მსხვერპლი არ მოჰყოლია

7 მაისს გამთენიისას ძლიერი მიწისძვრის შემდეგ პანიკა შეინიშნებოდა დედოფლისწყაროში. მოსახლეობა მინის ძლიერმა რყევამ შეაშფოთა.

სეისმოლოგიური სამსახურის დაზუსტებული ინფორმაციით, 7 მაისს მინისძვრის ეპიცენტრი აზერბაიჯანი-საქართველოს საზღვრიდან 25 კილომეტრში დილის 8:41 საათზე დაფიქსირდა. რყევები ეპიცენტრში 7 ბალს აღწევდა. საქართველოში, მინისძვრის ბიძგების სიმძლავრემ 5.7 მაგნიტუდა შეადგინა. რყევები თბილისშიც საგრძნობლად შეინიშნებოდა.

ილიას სახელმწიფო უნივერსიტეტის სეისმოლოგიური მონიტორინგის ცენტრმა მანამდე გაავრცელა ინფორმაცია, რომ მინისძვრის ეპიცენტრი კახეთში, დედოფლისწყაროს რაიონთან, სოფელ ყარაღაჯთან დაფიქსირდა.

ამასთან, ქართველი სეისმოლოგების ცნობით, ასეთი სიმძლავრის მიწისძვრას შეუძლია, ძველი და ამორტიზებული შენობების ნგრევა გამოიწვიოს, თუმცა ამ დრომდე საქართველოში ნგრევის ან სხვა რაიმე ზარალის შესახებ ინფორმაცია არ გავრცელებულა.

კახეთის რეგიონული მედიის ცნობით, საქართველო-აზერბაიჯანის საზღვართან მომხდარი მიწისძვრის შედეგად, სიღნაღის

რაიონის სოფელ ყარაღაჯში საცხოვრებელი კორპუსი დაზიანდა. ყარაღაჯში საერთო საცხოვრებელ კორპუსში 12 ოჯახი ცხოვრობს.

ლია. აზერბაიჯანის ზაქათალასა და ალიაბადის რაიონებში, სადაც ქართველები კომპაქტურად ცხოვრობენ, მიწისძვრამ შენობების

2009 წლის შემდეგ საქართველოში მსგავსი სიმძლავრის მიწისძვრა აღარ დაფიქსირებულა.


დედოფლისწყაროს მუნიციპალიტეტში იქ სადაც 7 მაისს, დილით 5,7 მაგნიტუდის სიმძლავრის მიწისძვრა მოხდა, ამ დროისთვის არსებული ინფორმაციით, ნგრევა და მსხვერპლი არ დაფიქსირებულა. ამის შესახებ კომენტარს დედოფლისწყაროს მუნიციპალიტეტის საკრებულოს თავმჯდომარე ლევან ბალაშვილი აკეთებს.

მისი თქმით, სოფლის რწმუნებულები მოსახლეობასთან შეხვედრებს მართავენ და ინფორმაციას იღებენ, არის თუ არა ზარალი. თუმცა, თვითმმართველობის ორგანოში ზარალის შესახებ ინფორმაცია არ შესულა.

„საკმაოდ ძლიერი ბიძგები იყო, მაგრამ ზარალის შესახებ ინფორმაციას არ ვფლობთ. ავარიული სახლების დაზიანება თუ მოხდა მომავალში გვეცოდინება. სატელეფონო ხაზები გადატვირთულია, თუმცა სოფლებთან დაკავშირება მოვახერხებ. ჩვენ მაქსიმალურად ვცდილობთ ინფორმაცია გადავამოწმოთ,“ — აღნიშნავს ლევან ბალაშვილი.

საკრებულოს თავმჯდომარის განმარტებით, რაიონს შეუფერხებლად მიწისძვრის ელექტროენერგია და მისივე მტკიცებით, მუნიციპალიტეტის ტერიტორიაზე რაიმე სახის შეზღუდვები არ არის.

ილია მარტყოფლიშვილი



ადგილობრივების თქმით, საცხოვრებელი სახლი ავარიული იყო, თუმცა დღეს მომხდარი მიწისძვრის შედეგად ბზარები გაიზარდა. ისინი ამ დრომდე საცხოვრებელი კორპუსის ეზოში არიან შეკრებილი და განმეორებითი ბიძგების შიშით სახლებში ვერ შედიან.

მიწისძვრას კახეთის რეგიონში სერიოზული ნგრევა არ მოჰყო-

ნგრევა გამოიწვია, თუმცა მსხვერპლი არ არის. რაც შეეხება კახის რაიონს, სადაც ასევე ქართველები კომპაქტურად ცხოვრობენ, როგორც საელჩოში აცხადებენ, ამ რაიონში მიწისძვრის ბიძგები შედარებით სუსტი იყო.

ბოლო რამდენიმე წლის განმავლობაში ეს დედოფლისწყაროში შედარებით ძლიერი მიწისძვრა იყო.

როგორ უნდა მოვიქცეთ მიწისძვრის დროს

7 მაისის დილას საქართველოში მცხოვრები ადამიანები მიწისძვრამ შეაშფოთა, ზოგი სულაც გააღვიძა. იმ დღეს სოციალურ ქსელებსა თუ ადამიანების მოკითხვისას ყველაზე აქტუალური იყო თემა: ვინ სად და რა პოზაში შეხვდა მიწისძვრას? მოკლედ, 7 მაისს დედოფლისწყაროელებმა, და არა მარტო ჩვენ, კიდევ ერთხელ განვიცადეთ შიში და გავაცნობიერეთ, რომ „ბუნება მბრძანებელია“...

სპეციალისტების განმარტებით, 6 ბალამდე მაგნიტუდის მიწისძვრა ძლიერი არ არის, თუმცა ბიძგები საგრძნობი გახლდათ. თავიდან ვარაუდობდნენ, რომ მიწისძვრის ეპიცენტრი დედოფლისწყაროში იყო. ამის მიუხედავად, მსგავსი სიძლიერის ბიძგები შეიგრძნეს დედაქალაქშიც. მოგვიანებით კი გაირკვა, რომ მიწისძვრის ეპიცენტრი საქართველო-აზერბაიჯანის საზღვართან იყო. ზაქათალის რაიონში ძლიერი მიწისძვრა მოხდა. მიწისძვრა 08:40 საათზე დაფიქსირდა და მიწისძვრის ბიძგების სიმძლავრე რიხტერის შკალით 5.7 მაგნიტუდას შეადგენდა. მიწისძვრის შედეგად კახის რაიონში სოფლების ალათემურის და მეშაბაშის ქართული სკოლის შენობებიც დაზიანდა. ამ მიწისძვრის დროს აღმოვაჩინე,

რომ რაც აქამდე მსმენია, იმის შესახებ თუ როგორ უნდა მოვიქცეო მიწისძვრის დროს, ყველაფერი არასწორი ყოფილა. ეს „რჩევები“ ნაცნობ-ახლობლებისგან მაქვს მოსმენილი და ზუსტად მასხოვს, რომ წესები არც სკოლაში და არც იმ დროს ყველაზე რეიტინგულ უმაღლეს სასწავლებელში ნამდვილად არ მისწავლია.

სეისმოლოგები და მაშველები კი დიდ გამოცდილებაზე დაყრდნობით ასეთ რჩევებს იძლევიან.

თუ შენობაში იმყოფებით

- რყევის შემთხვევაში მოძრაობა მაქსიმალურად უნდა შეამციროთ, პატარა-პატარა ნაბიჯებით გადაადგილდეთ დაცულ ადგილისკენ. უნდა დარჩეთ შენობაში, ვიდრე არ დარწმუნდებით, რომ მიწისძვრით გამონეული რყევა დასრულდა.
- სტატისტიკის თანახმად, ადამიანები მიწისძვრის დროს უმეტესწილად იმიტომ იღუპებიან, რომ შენობიდან გამოვლიან და მისი ჩამოქცევის შემთხვევაში ნანგრევების ქვეშ ექცევიან.
- დაწვეთ იატაკზე მაგიდის ან სხვა რომელიმე ავეჯის ქვეშ და მაგრად მოეჭიდეთ, სანამ რხევა არ შეწყდება.

იმ შემთხვევაში, თუ ახლო-მახლო არ არის არც მაგიდა და არც სხვა მსგავსი რამ, დაწვეთ შენობის შიდა კუთხეში და დაიფარეთ თავი და სახე მკლავებით.

- ეცადეთ მოშორდეთ ფანჯარას, გასასვლელ კარს და ყველაფერს, რაც შეიძლება ჩამოვარდეს.
- კარის შესასვლელი მხოლოდ იმ შემთხვევაში გამოიყენეთ თავშესაფრად, თუ ის თქვენთან ყველაზე ახლოსაა, შენობა არ არის ძველი და დარწმუნებული ხართ, რომ მის ქვეშ თავს დაცულად იგრძნობთ.
- დარჩით შენობაში, ვიდრე რყევები არ დასრულდება
- არავითარ შემთხვევაში არ შეხვიდეთ ლიფტში.

თუ მიწისძვრის დროს ქუჩაში ხართ

• დარჩით გარეთ და მაქსიმალურად მოერიდეთ შენობებს, ქუჩის განათებებს და ელექტროსადენებს.

თუ მანქანით მოძრაობთ

- გააჩერეთ მანქანა და დარჩით ავტომობილში.
- ეცადეთ არ გაჩერდეთ შენობებთან, ხეებთან ან ელექტროსადენებთან ახლოს.

მიწისძვრის დასრულების შემდეგ ფრთხილად გააგრძელეთ მოძრაობა და მოერიდეთ ხიდებსა და პანდუსებს, რომლებიც შესაძლოა მიწისძვრით დაზიანდა.

თუ ნანგრევებში მოყავით:

- არ აანთოთ ასანთი ან სანთებელა, რადგან შესაძლოა, დაზიანებული იყოს გაზის მილი და ცეცხლმა აფეთქება გამოიწვიოს.
- არ გაინძრეთ და ნუ ეცდებით მტვრის გაფანტვას.
- პირი დაიფარეთ ცხვირსახოცით ან ტანსაცმლით.
- დააბრახუნეთ მილზე ან კედელზე, რომ მაშველებს გაუადვილდეთ თქვენი პოვნა. გამოიყენეთ სასტვენის, თუ გაქვთ.
- დაიყვირეთ მხოლოდ უკიდურეს შემთხვევაში, რადგან ყვირის დროს, შესაძლოა მომწველელი მტვერი მოხვედეს თქვენს სასუნთქ სისტემაში.

ვისურვებდი, რომ არასოდეს დაგვჭირდეს ამ რჩევების გამოყენება, მაგრამ სჯობია, განსაცდელს ცოდნით შეიარაღებულნი შევხედეთ.

მოამზადა
ინბა შიოლაშვილი

„აბენტებმა ჯართში გაყიდული მანქანა უემოსავლად ჩაბპითვალუს და დახმარება უეპვიფუპიტუს.“

რამდენიმე ხნის წინ, რა-დაქციიპი სოფელ ოზაანის მკვიდრი მანანა მარტყოფლივიპილი გვიწვია. ის თავს სოციალურად დაუცველად თვლიდა და დეკამპრის თვიდან დახმარების მოხსნას აპროტესტობდა. 35 წლის მანანა მარტყოფლივილის თქმით, მის სამსახურთან მოკავშირე სოციალური დახმარება პოლიტიკური ნიშნით მოუხსნეს და ის სარკოზთან შეხვედრაზე ნაუსკველოპის ბაგმ „დასაჯუს“!

„სამი შვილის დედა ვარ, შუათანა ბავშვი ავადმყოფი მყავს და მუდმივად საჭიროებს ექიმის მეთვალყურეობას. სოციალურ დახმარებას ჩემი ოჯახი უკიდურესი გაჭირვების გამო ორი წლის განმავლობაში იღებდა, თუმცა, როგორც კი სარკოზის თბილისში ვიზიტზე ოჯახური გარემოების გამო უარი განვაცხადე, სოფლის რწმუნებულისგან ერთ-ერთმა მეზობელმა მაშინვე საყვედური შემომითვალა. არ ვიცი, ვინ სად რა ენა გაატარა, მაგრამ ამით უკვე „სიგნალი“ მივიღე, რომ მალე დახმარებას შემინყვეტდნენ. ასეც მოხდა, მეორე კვირასვე აგენტი აგენტზე მოდიოდა ჩემს სახლში და მანამდე არ შეწყდა მათი ვიზიტები, სანამ დახმარება არ მოგვიხსნეს. მიზეზი ეზოში ჯართად ქცეული საბჭოთა დროინდელი დანგრეული მანქანის ჯართში ჩაბარება აღმოჩნდა. აგენტმა ჯართში ჩაბარებული მანქანის კარკასი წლის შემოსავლად ჩავითვალა, დახმარების მოხსნის საფუძვლადაც ეს გარემოება დასახელდა.“

„ცრემლმორეული გვიყვებოდა თავის გასაჭირს ქალბატონი. მისივე თქმით, როცა სოფლიდან საფრანგეთის პრეზიდენტის ნიკოლას სარკოზის შეხვედრაზე წასვლა შესთავაზეს, სწორედ მაშინ, კერძო პირის ნაკვეთისამაშობად იმყოფებოდა და ამ მიზეზით ვერ შეძლო წასვლა.“

„იმისთვის, რომ ჩემს სამ შვილს ელემენტარული საჭი-



როების საკვები და ჩაცმა არ მოაკლდეს, მე და ჩემი მეუღლე ყველაფერს ვეჭიდებით, ამის გამო მინდორში კერძო მუშად მუშაობასაც არ ვთავაზობ, მაშინ სწორედ ხახვის სათოხში დავდიოდი, რადგან გამოუვალი მდგომარეობა მქონდა. ისე გვიჭირდა, ბავშვებს სკოლაში წასაღები რვეულის ფულიც არ ჰქონდათ, მეც ამინდს და სამუშაოს დავეშურე, განა ამის გამო შეიძლებოდა დავესაჯეთ? აგენტმა წლის შემოსავლად ჯართში ჩაბარებული მანქანა რომ ჩამითვალა, ის თანხა ბავშვის საოპერაციოდ მჭირდებოდა და იმაში გამოვიყენეთ. ავადმყოფ ბავშვს ხომ კარგი კვება და ხელშეწყობა სჭირდება, რომ გამოვაჯანმრთელო. ახლა დახმარების მოხსნა შეიძლებოდა?“- აცხადებს მარტყოფლივილი.

აღნიშნულთან დაკავშირებით ჩვენ ვესაუბრეთ გამგებლის რწმუნებულს სოფელ ოზაანში **სოსო თევზაძეს**, რომელიც პოლიტიკური ნიშნით ოჯახის „დასჯის“ ფაქტს გამორიცხავს: - „აბსოლუტურად ცრუ ბრალდებაა, მარტყოფლივილების ოჯახის დია-

სახლის, ისე როგორც ყველა აქაურ მოსახლეს და მსურველს, მასაც შევთავაზეთ ქალაქში წამოსვლა, თანაც, იცით თქვენ, რომ ეს სასიამოვნო და სადღესასწაულო შეხვედრა გახლდათ, წამოსვლა ნებაყოფლობითი იყო და არავისთვის დაგვიტანებია ძალა. იმდენმა თანასოფელმა გამოთქვა შეხვედრაზე დასრების სურვილი, რომ გამორიცხულია, მე, სოსო თევზაძეს, ვინმესთვის რაიმე მიეძღუებინა. რაც შეეხება იმას, თითქოს სოციალური დახმარება ამ ნიშნით მოეხსნათ, ან სოფლის ხელმძღვანელობა მასში ყოფილიყო ჩართული, სრული აბსურდია. ეს ასე არ ხდება!- ჩვენ დემოკრატიულ ქვეყანაში ვცხოვრობთ და ასეთ ფაქტებს, დიდი ხანია, აღარ აქვს ადგილი. თუ მაინცდამაინც მარტყოფლივილებზე ნიშნის მოგების სურვილი „მკლავდა“, როგორც ეს მათ ჰგონიათ, მაშინ ამ ქალბატონის მეუღლეს გავათავისუფლებდით სამსახურიდან, რომელიც ჩვენი საკრებულოს მიერაა დასაქმებული. ის ოზაანის წყალსაცავზე მუშაობს, სოციალური დახმარე-

ბის და სახელმწიფო სუბსიდების სააგენტო კი, ცალკე სამსახურია და ის თავის სამინისტროს ექვემდებარება. მასთან ჩვენ არანაირი შეხება არ გვაქვს, ასე რომ, პირადად მე არავინ დამისჯია, არც პოლიტიკური ნიშნით და არც სხვაგვარად. ამას, ჩემი მორალური პრინციპებიდან გამომდინარე, არც გავაკეთებდი და არც ვიკადრებდი!“-აცხადებს ბატონი სოსო თევზაძე.

აღნიშნულ საკითხზე გაზეთი „შირაქი“ ასევე დაუკავშირდა სოციალური დახმარების და სახელმწიფო სუბსიდების დელოფისწყაროს სააგენტოს უფროსს **ზურაბ ზურაბიშვილს** - „არასოდეს არ მქონია შემთხვევა, არც ვინმეს მიუთითებია, რომ ვინმე პოლიტიკური ნიშნით განგვესხვავებინოს, ჩვენ სრული კანონის დაცვით ვმოქმედებთ და საკმაო დიდი დატვირთვით ვმუშაობთ. მერწმუნეთ, რომ ამგვარი ბრალდება სრულიად უსამართლო და უადგილოა ჩვენი სამსახურის მიმართ“-აცხადებს ზურაბიშვილი. მანვე ეს საკითხი მარტყოფლივილების ოჯახში შესულ აგენტთან ერთად განიხილა. - „ამ ოჯახში მე გახლდით და ყველაფერი ძალიან კარგად მახსოვს. პირველ რიგში მარტყოფლივილების ოჯახს გეგმიური გადამოწმება უწევდა, ამასთან, მქონდა ინფორმაცია, რომ მათ ეზოში ორი მანქანა იდგა, რაც პირველი შემოწმებისას არ აღწესებულა, აქედან გამომდინარე, ვალდებული ვიყავი ოჯახი გადამეოწმებინა. შემოწმებისას ეზოში ერთი ავტომანქანა დამხვდა, როცა ვიკითხე, თუ სად იყო მეორე მანქანა, თვითონვე მითხრეს, რომ გავყიდეთო, ეს, რა თქმა უნდა, დავაფიქსირე, თუმცა, ანკეტაში ის არ ჩანს, რომ მათ გაყიდული მანქანის თანხა ბავშვის ოპერაციისთვის გამოიყენეს. ამ ოჯახის ერთ-ერთი ბავშვი მართლა ავადდა და მე, ადამიანური თვალსაზრისიდან გამომდინარე, ძალიან დიდი სურვილი მაქვს, რომ დახმა-

რება გაუგრძელდეთ, მაგრამ, ყველაფერი რაც ჩავინერე, პირადად დიასახლისმა მიკარნახა, ჩანანერი მასაც ნაუკუითხე, ის დაეთანხმა და ხელიც თავად მოაწერა. შედეგად აღმოჩნდა, რომ მაღალი ქულები მიიღეს, რამაც დახმარების შეწყვეტა გამოიწვია. ამჯერად მარტყოფლივილების ოჯახის გადამოწმების შესახებ, ჩვენი ზემდგომებიდან კვლავ გვაქვს მოსული წერილი. ამასთან, ოჯახის დიასახლისი ლილი მარტყოფლივილი პენსიონერი გახდა და ამ მხრივაც ითვალისწინებს გადამოწმებას. ამდენად კიდევ ერთხელ ვენუგვით მათ ოჯახს. მაღალი მოვა ქულები თუ დაბალი, წინასწარ ვერ განვსაზღვრავთ, ღმერთმა ქნას ყველფერი მათ სასიკეთოდ განვითარდეს და დახმარება მიიღონ.“-აცხადებს სოციალური აგენტი.

როგორც უზნის სამედიცინო პუნქტში გავარკვეეთ, მარტყოფლივილების სამი ბავშვიდან ერთ-ერთი მართლაც ავადდა და მის ავადმყოფობას „ცელიაკია“ ეწოდება. ეს ის შემთხვევაა, როცა ორგანიზმი ჭარბი სახამებელია და მას პურის ნაწარმის მიღება საერთოდ ეკრძალება. მედიკოსები ასეთ დროს პურს მჭადით ანაცვლებენ და პაციენტს მუდმივ დიეტასა და მეთვალყურეობას უნიშნავენ. ცხადია, მდგომარეობა მართლაც მძიმე და გულის ამაჩუყებელია, თუმცა ხდება ისეც, რომ სააგენტოს კომპიუტერი, რომელიც ცივი გონებით ითვლის და საზღვრავს აღნიშნულ მონაცემებს, ადამიანი არ არის, რომელსაც გული და მგრძობელობა ჰქონდეს, რათა ჰუმანურობა გამოიჩინოს, რაიმე ნიშნით მაინც შეიბრალოს და მათი სასურველი ქულები დაუნეროს. პრინციპი სხვაში მდგომარეობს, მონაცემები სწორად უნდა ჩაინეროს და გაითვალოს.

ლალი მხერიშვილი

გეგუთვნით, მებრამ არ გეგუთვნით

(პირველი გვერდიდან)

კითხვაზე, დადებითი შეფასების მიუხედავად მოულოდნელად პროექტს გამოთიშულ მონაწილეებს აქვთ თუ არა რაიმე შანსი, ძალები „ნიჭიერის“ მომდევნო სეზონზე მოსინჯონ, ტელეკომპანიაში აცხადებენ, რომ ამ მონაწილეებს შეუძლიათ ქასთინგში ხელახლა მიიღონ მონაწილეობა, ამჟამად მიღებული ქულები კი მომავალ წელს მათთვის შელავათი ვერ გახდება.

„ენაობ, რომ მონაწილეობა მივიღეთ. ახლა რომ ვაანალიზებ, ჩვენი გამოსვლა თერში რომ გაეშვათ, უმრავლესობა ისეთი მონაწილეები იყვნენ, აღ-

ბათ უფრო შეურაცხყოფილი ვიქნებოდით. გულწრფელად გითხრათ, თავიდანვე არ მინდოდა და ამ პროექტისკენ გული არ მიმინედა. ვფიქრობ, რომ ქართული ცეკვა და სიმღერა ამ პროექტს ნამდვილად არ შეეფერება. მათ ქმედებიდან აშკარაა, რომ შოუ სჭირდებოდათ. სხვა რა უნდა ვიფიქროთ, როცა ორჯერ ჩავვიყვანეს თბილისში, 4 „კი“ დაგვიწერეს და მოულოდნელად აღმოჩნდა, რომ არსად დავფიქსირდით. ანსამბლის მონაწილეებისთვის ეს იმხელა შოკი იყო, რომ რამდენიმე ბავშვს ჯანმრთელობის პრობლემა შეექმნა, ბევრს სიცხე მისცა. დაზარალებული არიან, სკოლაშიც

აღარ დადიან. ისინი ისეთ ასაკში არიან, ამხელა მოლოდინის შემდეგ ასეთი იმედგაცრუება მათთვის ძალიან რთულია. ძნელია ამ ასაკში ბავშვებს რაიმე აუხსნა,“- აღნიშნავს ანსამბლის ხელმძღვანელი.

პროექტის სატელევიზიო ჩანერას დელოფისწყაროდან 50-ზე მეტი გულშემატკივარი ესწრებოდა. ისინი აცხადებენ, რომ ანსამბლმა მაყურებლის საოცარი მონონება დაიმსახურა და გამამხნეველ შეძახილებში მათ მთელი დარბაზი აჰყვა.

„ეთერში უამრავი ისეთი კადრი გაუშვეს, მაგალითად ძაღლის გასეირნება, ველოსიპედით სახედაფარული ბიჭის გასეირ-

ნება და მრავალი სხვა. თავისუფლად შეეძლოთ ამ დროში სხვა გამარჯვებული ნომერი ჩაესვათ, თუმცა საქმე იმაშია, რომ დარბაზი და ტელემყურებელი ვერ დაგვიცინებდა, ჩვენს ნომერში სასაცილოს ვერაფერს ნახავდა და ამ შოუს ეს არ აწყობდა,“- აღნიშნავს გაბრიელაშვილი.

შეგახსენებთ, პროექტის მომდევნო ტურში ბევრი ისეთი მონაწილეც მოხვდა, რომელთაც ყიურის მხოლოდ 2 ნევრის თანხმობა მიიღეს.

ანსამბლის მცირეწლოვანი აღსაზრდელების მშობლები ნიჭიერის დაანონსებულ ფორმატს „ყველაზე სახალხო პროექტი“ ეჭვქვეშ აყენებენ და

საპირისპირო შეფასებას აძლევენ: „პატარა ბავშვებისთვის გულისტკენას და ფსიქოლოგიური სტრესის მიყენებას არ სჯობდა, მათთვის თავიდანვე ეთქვათ უარი შემდეგ ტურში გადაყვანაზე? ბავშვები იმედგაცრუებულნი არიან და ამბობენ, რომ ქართულ სცენაზე დადგომის სურვილი გაუქრათ. საინტერესოა, ესაა ამ პროექტის ორგანიზატორების თვითმიზანი? ესაა სახალხო პროექტი? ჩვენ მას „ყველაზე არასახალხო პროექტს დავარქმევდით“ — ამბობენ ანსამბლ „შირაქის“ ნორჩი მოცეკვავეების მშობლები.

ილია მარტყოფლივილი


წმინდა ანდრია პირველწოდებულის ხსენების დღე

12 მაისს მართლმადიდებლური ეკლესია წმინდა ანდრია პირველწოდებულის ხსენების დღეს აღინიშნავს. ამასთან დაკავშირებით ტაძრებში წირვა-ლოცვა აღევლინება.

წმინდა ანდრიას, პეტრე მოციქულის ძმას, უფალმა იესო ქრისტემ პირველს მოუწოდა, ამიტომ მას ეწოდა პირველწოდებული. მაცხოვრის ამალღების შემდეგ მოციქულებმა საქადაგებლად კენჭი ყარეს. ღვთისმშობელს ივერიის მოქცევა ხვდა წილად, მაგრამ რადგან მისი მიძინების ჟამი დგებოდა, მაცხოვარმა მოუწოდა ღვთისმშობელს, იერუსალიმში დარჩენილიყო, საქართველოში კი თავისი ხელთუქმნელი ხატით ანდრია პირველწოდებული გაეგზავნა. ყოვლადწმიდა ქალწულმა იხმო ანდრია

და ღვთის ნება აუწყა, შემდეგ ფიცარი აიღო, პირი დაიბანა და ფიცარი სახეზე მიიდო. ფიცარზე ღვთისმშობელი გამოსახა ყრმა იესოთი. ეს იყო ღვთისმშობლის პირველი ხელთუქმნელი ხატი, რომელიც ანდრია პირველწოდებულმა საქართველოში წამოაბრძანა. მოციქული საბერძნეთისა და მცირე აზიის გავლით, „შევიდა ქუეყანასა ქართლისასა, რომელსა დიდაჭარა ეწოდებოდა“.

გადმოცემის თანახმად, სოფელ დიდაჭარაში დღემდე არსებობს ტაძრის ნანგრევები, რომელიც თავად წმიდა ანდრია პირველწოდებულს აუგია. მან ასევე დაადგინა პირველი სასულიერო



რო პირები - მღვდლები და დიაკვნები.

ღვთისმშობლის ხატის ძალით მოციქულმა კერპები დაამხო, ანყურში დააარსა ეკლესია და მცირე ეკედერში ღვთისმშობლის ხელთუქმნელი ხატი დაასვენა. წმინდა ანდრია იქ არ დარჩენილა. გაემგზავრა კლარჯეთში, არტაანკოლაში, პართეთში, სომხეთში, შემდეგ კი იერუსალიმში წავიდა.

იერუსალიმთან ანდრია სვიმონ კანანელთან და მათათასთან ერთად ისევ საქართველოში დაბრუნდა. ისინი ქართლში შევიდნენ და ქრისტიანობა განამტკიცეს.


უკანასკნელად მოციქულმა საბერძნეთის ქალაქ პატრაში იქადაგა,

იქაურმა უღმრთო ხელისუფალმა ანდრია პირველწოდებულის ჯვარზე გაკვრა ბრძანა. წმინდანი ორი დღე ქადაგებდა ჯვრიდან და იქვე აღესრულა. მმართველის ცოლმა მოციქულის ცხედარი ჯვრიდან ჩამოხსნა და პატივით მიაბარა მინას. რამდენიმე საუკუნის შემდეგ კონსტანტინე დიდის ზეობისას წმიდა მოციქულის უხრწელი ნაწილები პატივით დაასვენეს კონსტანტინეპოლში და წმიდა მოციქულთა ტაძარში დააბრძანეს ლუკა მახარებლისა და ტიმოთე მოციქულის ნაწილთა გვერდით.

ქართველთა პირველი განმანათლებელი წმინდანი ხსენების დღე 13 დეკემბერს - მისი აღსრულების დღესაც აღინიშნება. დღესასწაულის გამო 12 მაისი უქმედ არის გამოცხადებული.

სსოვნა

ოზარ ჯანიაშვილი



17 მაისს ორმოცი დღე გავა, რაც ამქვეყნიური ცხოვრებიდან მარადისობაში გადასახლდები. 70 წელი იცოცხლე, ეს არც ბევრია, მაგრამ არც ცოტაა, ადამიანმა თავისი სახელი რომ


დატოვოს. შენ კარგი, გულისხმიერი და კეთილი ადამიანის სახელი მოიპოვე. ცხოვრება მხნედ და ხალისიანად განვლე, მაგრამ ბოლო ორი წელი მძიმე იყო შენთვის. ავადმყოფობით შეწუხებული ერთ წელზე მეტი ლოგინს მიეჯაჭვე და გაუსაძლის ტკივილებს განიცდიდი. ყველანაირად ვცდილობდი, შენთვის მდგომარეობა შემემსუბუქებინა. მიუხედავად იმისა, რომ გვიჭირდა, არც წამალს გაკლებდი, ხშირად ჩემს ლუკმას შენ გითმობდი, მაგრამ უშედეგოდ, ვერ მოვერით შენს ავადმყოფობას, ვერ დავამარცხეთ სიკვდილი. დიდი ამაგი დაგდო სიკვდილშიც და სიკვდილის მერეც შენმა დისშვილმა მარინა ბულიამ, რომელიც რუსთაველი ცხოვრობს. შენი სიკვდილი მწარედ განიცადეს შენმა შვილმა გელამ, რძალმა ნინომ, შვილიშვილებმა ეკამ და

დიმამ. თურქეთიდან დაგაყარა ცრემლი შენმა პირველმა სიხარულმა, უფროსმა შვილიშვილმა ნათამ. ჩვენი ოჯახის ტკივილი გაიზიარეს ნათესავებმა, მეზობლებმა, მეგობრებმა. მადლობას ვუხდით ყველას, ვინც სიცოცხლეში თუ სიკვდილის შემდეგ მხარში დაგვიდგა და შეგვადლებინა, ღირსეულად გაგვეცილებინე უკანასკნელ გზაზე. ჩემთვის ძალიან ძნელია უშენობა, აუტანელია ეს სიმართლე, ჩვენ ორივე ავადმყოფობდით, მაგრამ ერთმანეთის ნუგეშად ვცოცხლობდით. ახლა სხვა რაღა დამრჩენია, ორმოცი დღეა, ვლოცულობ შენი სულისთვის. უფალმა ნათელი დაგიმკვიდროს და განისვენე იქ, სადაც მართალნი განისვენებენ.

შენი მეუღლე ნათელა ჯანიაშვილი

ირაკლი (ფოფხაქე) ჯანაშვილი

ტკივილიანი მონატრებით გაილია ერთი წელი. 9 მაისი შენი გარდაცვალების დღეა. ძალიან მიჭირს უშენოდ. შენ ხომ ჩემი დიდი იმედი, კეთილშობილებისა და კეთილსინდისიერების განსახიერება იყავი. უსაზღვროდ მენატრები, შენ ხომ ყოველთვის კაცთმოყვარეობით და ღირსებით გამოირჩეოდი. ნახვედი და დატოვე სუფთა, შეუბღალავი სახელი, ჩემო მამა. შენ ხომ ჩემი და ჩემი შვილის დაბადების დღეს გარდაიცვალე. სამუდამოდ გვემასხვორება ეს დღე. შენ ჩვენთან ყოფნას შენს საყვარელ მეუღლესთან ყოფნა არჩიე, რომელიც ძალიან გიყვარდა და გენატრებოდა.



მამა, ძალიან მენატრები. თითქმის ყოველდღე მივდივარ შენს საფლავთან. შენ დამიტოვე დიდი ტკივილი და დღემდე როგორც ცოცხალს, ისე გესაუბრები, რჩევას და დახმარე-

შენი შვილი ცისმარი

ნუგზარ აბაშიძე



ცხოვრება მოვალეობაა, თუნდაც წამიერი იყოს იგი, უთქვამს ბრძენ კაცს. სწორედ ამ პასუხიმგებლობის შეგნებით იცხოვრა და იღვანა ერთმა გამორჩეულმა ქართველმა კაცმა - ნუგზარ აბაშიძე რომ ერქვა სახელად. მართლაც რომ გამორჩეული იყო - გარეგნობით, კაცობით, მამულიშვილობით. არაჩვეულებრივი პროფესიონალი (მელვინე-ექსპერტი), მეუღლე, მამა და მეგობარი. სადაც უნდა ყოფილიყო - სამშობლოსა თუ მის ფარგლებს გარეთ, მუდამ ქართულ საქმეს

აკეთებდა, მამულის მაჯას მიყურადებულები - დღენიდაგ მასზე ზრუნავდა და ფიქრობდა. აგვისტოს ომამდე ცოტა ხნით ადრე გარდაიცვალა, სრულიად ახალგაზრდა, რაინდული სიმშვიდითა და თავდაჯერებულობით, იმის შეგნებით, რომ გაბრწყინებულ საქართველოს დაუტოვებდა შთამომავალთ. მაგრამ ბედისწერას რაკი ასე ენება, ერთი განსაცდელისგან მაინც დაიცვა და მტრისგან გავერანებული ქვეყნის ჭირისუფლობა ააცილა. ალბათ მისნაირ კაცზე თუ იტყოდა პოეტი: „მიწას ასტკივდა შენი სამარე, მოგონებუბიც დგანან კუშტებად, შენნაირებს ხომ ტყვიით არ კლავენ, მათ, სამწუხაროდ, გული უსკვება.“

დიახ, ასეთია გულით მოყვარული, გულით მომზირალი და გულით მოტირალი კაცის ბოლო. ისინი უნაპირო სიყვარულის მსხვერპლნი ხდებიან, ისე, როგორც ბატონი ნუგზარ აბაშიძე. ლიკას და ლამას უზომოდ უყვარდათ თავიანთი ბაბუა. ამას წინათ მის შემდგომ დაბადებულმა შვილიშვილებმა

-ლუკამ და საბამ როცა გაიგეს, ბაბუა ზეციურ საქართველოშიაო, - გაკვირვებულებმა იკითხეს: „კი მაგრამ ჩვენ რატომ არ დაგველოდაო.“ მათ ის კი არ იცინა, რომ ბაბუა არსად არ წასულა, მისი სული დღენიდაგ დატრიალებს მის უღამაზეს ოჯახს - შესანიშნავ მეუღლეს - ტექნიკური უნივერსიტეტის სრულ პროფესორს - ქალბატონ ლია დემეტრაძეს, არაჩვეულებრივ შვილებს - ქეთევანსა და ზურაბს, ოთხ შვილიშვილს, თავის სამეგობროსა და სრულიად საქართველოს.

ღმერთმა დალოცოს აბაშიძეების დიდი გვარი და ბატონი ნუგზარის მარად ჩაუქრობელი კერა - „მრავალჟამიერს“ გაქცეული და „ურმულივით“ ნამართლსულევი კაცის ლოცვა რომ მფარველობს საიქიოდან. კოლეგებისა და მეგობრების სახელით:

პაპა მამიაშვილი, - ტექნიკურ მეცნიერებათა დოქტორი
 თამაზ კოპალიანი, - ტექნიკურ მეცნიერებათა დოქტორი
 გიორგი გონაშვილი, - მელვინე-ტექნოლოგი

ფასო მამუკაშვილი

„სიკვდილსა გლოვა უხდება, მკვდარ ძმას - ტირილი დისაო“- გვეუბნება ვაჟა. დაგტირით ცხარე ცრემლებით, დაგტირით ჩვენი ერთადერთი ძმაო - ფაცო, ჩვენი იმედო და დიდო სიხარულო... მაინც რა იყო ბედისწერა, 13 მაისს დაბადების დღე გქონდა და 14 მაისს ნახვედი ჩვენგან. ზარი იყო, დიდი ზარი შენი წასვლა, ჩვენი მამისეული სახლის საძირკველი შეირყა, ის ტოტებიც ყურებჩამოყრილი გვეჩვენება ფოთლებიანად. მართალია, შენი შვილები და შვილიშვილები გვიმაგრებენ გულს, გვეამაყებინ და გვეიმედებინ, მაგრამ შენგან დატოვებულ სიცარიელეს ვერ გვივსებენ. მაისში ხდება ერთი წელი,

ჩვენი მოურჩენელო ტკივილი. მოვალთ შენს საფლავთან შენი დები, შვილები, შვილიშვილები, მეზობლები, რომელთა სიყვარულით სავსე გული წაიღე იმ ქვეყნად. შენ, ჩვენი ძმაო, იმიერში ჩვენი მშობლები და დედამისის შვილები 4 გვეყავს მანდ, და ახლობლები გაგამაგრებენ, ჩვენ კი აქ არ გავახუნებთ შენს სსონას...

უამრავ ყვავილს მოვიტანთ და შენს საფლავზე - 14 მაისს, რაც გაათბობს შენს სულს და მარადისობაში დაუმკვიდრებს სასუფეველს.

შენი დები: ფატი და მამუკაშვილები. სოფელი ქვემო ქედი.

გაზეთ „შირაქის“ რედაქცია, თინა ფავლენიშვილი, სოფო, მანო ისაიაშვილები სამიძმარს უცხადებენ ვასიკო და ნანა შოშიაშვილებს დედის მანოს გარდაცვალების გამო.

თინათინ, დარეჯან მურვანიძეები თანაგრძნობას უცხადებენ ვასიკო და ნანა შოშიაშვილებს დედის მანოს გარდაცვალების გამო.

სკორტი

ბიძინა მაზიაშვილის ხსოვნის მეორე რესპუბლიკური ტურნირი

9 მაისს ქალაქ დედოფლისწყაროში ჩატარდა ქართული ძიუდოს ერთ-ერთი ფუძემდებლის, საქართველოს და ყოფილ საბჭოთა კავშირის დამსახურებული მწვრთნელის, სპორტის დამსახურებული მუშაკის ბიძინა მაზიაშვილის ხსოვნის მეორე რესპუბლიკური ტურნირი 1999—2000 წლებში დაბადებულ ძიუდოისტთა შორის. შეჯიბრების მსაჯი იყო, წარსულში ცნობილი მოჭიდავე, ევროპის ჩემპიონი ანზორ მარტყოფილი. დედოფლისწყაროს მუნიციპალიტეტის თვითმმართველობის ხელმძღვანელობამ ბიძინა მაზიაშვილის გარდამავალი თასი დაანება.

სანამ უშუალოდ შეჯიბრის მსვლელობის განხილვაზე გადავიდოდეთ, შეგახსენებთ, რომ დედოფლისწყაროს მუნიციპალიტეტის საკრებულოს გადანიშნულებით ქალაქ დედოფლისწყაროში მდებარე სადგურის ქუჩას სწორედ ბიძინა მაზიაშვილის სახელი ეწოდა.

ტურნირში მონაწილეობდნენ ქალაქებია: თბილისია, ახმეტის, საგარეჯოს, ლაგოდეხისა და დედოფლისწყაროს ნაკრები გუნდები.

გამარჯვებულ ძიუდოისტთა სია ასე გამოიყურება: 35 კილოგრამ კატეგორიაში:

I ადგილი — გიორგი თინაშვილი (დედოფლისწყარო)

II ადგილი — ბექა ბუქური (დედოფლისწყარო)

III ადგილი — ბექა ჩოხელი (დედოფლისწყარო)

III ადგილი — გიორგი შათირიშვილი (ახმეტა) 40 კილოგრამ კატეგორიაში:

I ადგილი — ლაშა ბუქური (დედოფლისწყარო)

II ადგილი — ნიკა კობახიძე (დედოფლისწყარო)

III ადგილი — გიორგი ნატროშვილი (დედოფლისწყარო)

III ადგილი — დავით ფათალიშვილი (დედოფლისწყარო) 45 კილოგრამ კატეგორიაში:

I ადგილი — ნიკა ზვიადური (დედოფლისწყარო)

II ადგილი — ოთარ გურაშვილი (ლაგოდეხი)

III ადგილი — ზურაბ დემეტრაშვილი (ლაგოდეხი)

III ადგილი — ნიკა ბალაშვილი (დედოფლისწყარო) 50 კილოგრამ კატეგორიაში:

I ადგილი — გიორგი ნიკლაური (დედოფლისწყარო)

II ადგილი — ბაკურ სარაჯიშვილი (ახმეტა)

III ადგილი — ვახტანგ მილაძე (დედოფლისწყარო)

III ადგილი — ლაშა ტაბატაძე (ლაგოდეხი)

60 კილოგრამ კატეგორიაში:

I ადგილი — გიგა იმერლიშვილი (ახმეტა)

II ადგილი — გიორგი ქობონაშვილი (ახმეტა)

III ადგილი — გიორგი გუგუნიშვილი (დედოფლისწყარო)

III ადგილი — ვინი მოსულიშვილი (დედოფლისწყარო)

დედოფლისწყაროს მუნიციპალიტეტის საკრებულომ და გამგეობამ ბიძინა მაზიაშვილის გარდამავალი თასი დაანება. რომელი გუნდიც სამ გამარჯვებას მოიპოვებს, თასი მუდმივად მათთან დარჩება.

ამ ტურნირზე გუნდური პირველი ადგილი და გარდამავალი თასი მოიგო დედოფლისწყაროს მუნიციპალიტეტის გუნდმა. მეორე ადგილი წილად ხვდა ახმეტის გუნდს, ხოლო მესამე ადგილზე ლაგოდეხელი სპორტსმენები გავიდნენ.

შეჯიბრებას საპატიო სტუმრებიც ესწრებოდნენ: დედოფლისწყაროს მაყრიტარი დეპუტატი პარლამენტში ავთანდილ ლეკაშვილი, დედოფლისწყაროს მუნიციპალიტეტის საკრებულოს თავმჯდომარე ლევან ბალაშვილი და გამგებელი ნიკოლოზ მანშიაშვილი. ასევე, შს დედოფლისწყაროს პოლიციის სამმართველოს უფროსი გელა ბუნტური, მუნიციპალიტეტის კულტურისა და სპორტის ცენტრის დირექტორი ივანე მანშიაშვილი.

ტურნირს თვალყურს ადევნებდნენ ოლიმპიური თამაშების მონაწილეებიც. მსოფლიო თასის მფლობელი და ევროპის სამგზის ჩემპიონი ზაზა კედელაშვილი და მსოფლიო თასის კიდევ ერთი მფლობელი ბადრი გაგაშვილი.

გამარჯვებული და სამეულში გასული ძიუდოისტები მედლებითა და დიპლომებით დაჯილდოვდნენ.

ზაზა კედელაშვილმა დაანება სამი თასი და სამი საჭიდაო კიბანო, რომლებიც გამარჯვებულ ძიუდოისტებს გადაეცა.

კულტურისა და სპორტის ცენტრის ინფორმაციით, ტურნირზე ზაზა კედელაშვილის თასი გადაეცათ: 60 კილოგრამ წონით კატეგორიაში გიგა იმერლიშვილს, 50 კილოგრამ კატეგორიაში გიორგი ნიკლაურს, ხოლო 35 კილოგრამ წონაში გიორგი თინაშვილს. კედელაშვილმა საჭიდაო კიბანოები გადასცა 45 კილოგრამ წონით კატეგორიაში ნიკა ზვიადურს, 40 კილოგრამ წონაში ლაშა ბუქურს და სოფელ არხილოსკალოს გუნდს.

თინათინა გუგუნიშვილი, სპორტის დამსახურებული მუშაკი

ულოცავენ!

ლევან ბალაშვილს!

ბატონო ლევან, გილოცავთ დაოჯახებას, გისურვებთ ტრადიციული ქართული ოჯახის შექმნას! ქართული კულტურის, მწერლობისა და წიგნის დიდ მოამბესა და მხარდამჭერს, ღმერთის მფარველობა და ხალხის სიყვარული არ მოგკლებოდეთ.

პატივისცემით, დედოფლისწყაროს მნიგნობართა და მწერალთა რაიონული ორგანიზაციის სახელით: ნანა შიჭინაძე, ვანო ნატროშვილი, ჯუმბარ უთრატაშვილი, ზაურ გონაშვილი, თამაზ ნიკლაური, ნათო ყაბაშვილი.

დაწყვილებას გილოცავთ, ბატონო ლევან! სიბო და სიყვარული, გამრავლება და კეთილდღეობა გვინდა გისურვოთ. ღმერთმა ერთად გატარებული მრავალი ლამაზი დღე არ მოაკლოს თქვენს ოჯახს! პატივისცემით, კულტურისა და სპორტის ცენტრის თანამშრომლები.

ს ა ნ დ ა

27-28 აპრილს ქ.თბილისში ჩატარდა თბილისის ჩემპიონატი უშუ სახელად, რომლის ორგანიზატორიც იყო თბილისის უშუ-კუნგფუს ფედერაცია და საქართველოს უშუს ფედერაცია. ამ შეჯიბრებაზე დედოფლისწყაროს საბრძოლო ხელოვნებათა კლუბიც მონაწილეობდა და საკმაო წარმატებითაც. დედოფლისწყაროდან ამ ტურნირზე ოთხმა სპორტსმენმა მიიღო მონაწილეობა, საიდანაც ორი ჩემპიონის ტიტულით დაბრუნდა, ორი კი — მეორე ადგილით. ჩემპიონები გახდნენ ნიკა ჩიტიშვილი (1 საჯარო სკოლა) და ლევან ნიკლაური (რუსულ-ქართული საჯარო სკოლა). მეორე ადგილები წილად ხვდათ ირაკლი ნატროშვილს და გიორგი ნატროშვილს. განსაკუთრებით ლამაზი ორთაბრძოლები გამართა ნიკა ჩიტიშვილმა, რომელმაც ორი ბრძოლა აშკარა უპირატესობით დაამთავრა და მსაჯთა მოწონებაც დაიმსახურა. მან პირველ ბრძოლაში, პირველივე რაუნდში, მეტოქე ტექნიკური ნოკაუტით გამოთიშა ასპარეზობას, ხოლო მეორე მონინალმდევე აშკარა უპირატესობით დაამარცხა და ჩემპიონის ტიტულიც მოიპოვა.

ჩემპიონატზე მონაწილეობა საქართველოს თითქმის ყველა კუთხის კლუბმა მიიღო. ასპარეზობაზე სტუმრად იმყოფებოდა ირანის გუნდი.

გვინდა, ჩვენი კლუბის სახელით მადლობა გადავუხადოთ თბილისის უშუ კუნგ-ფუს ფედერაციის პრეზიდენტს ბატონ დავით ხვედელიანს ჩვენი მიწვევისთვის და შეჯიბრის კარგი ორგანიზებისთვის.

გიორგი ცისკარაული

იგიძენი მომავალი

საქართველოს ბანკი
BANK OF GEORGIA

სს „საქართველოს ბანკი“
ატენდებს ვაკანსიებს
დედოფლისწყაროს
სერვისცენტრში

შემდეგ თანამდებობებზე:

- მოლარე;
- მოლარე-ოპერატორი;
- ადმინისტრატორი.

შერჩევის საკონკურსო პროცედურა:
პირველადი გადარჩევა — ბანკის სააპლიკაციო ფორმაში ფიქსირებული მონაცემების საფუძველზე;
მეორე ეტაპი — ტესტირება;
მესამე ეტაპი — ქეისის განხილვა;
მეოთხე ეტაპი — გასაუბრება;

სააპლიკაციო პროცედურა:
დაინტერესებულ კანდიდატებს გთხოვთ გამოგზავნოთ სს „საქართველოს ბანკის“ სააპლიკაციო ფორმა, რომელიც შეგიძლიათ აიღოთ, შეავსოთ და მიიტანოთ მისამართზე: ქ. თელავი, ჭავჭავაძის 6, საქართველოს ბანკის თელავის ფილიალი; ქ. გურჯაანი, ნონეშვილის 12, საქართველოს ბანკის გურჯაანის ფილიალი; ქ. სიღნაღი, 9 აპრილის ქ 15, საქართველოს ბანკის სიღნაღის ფილიალი; ქ. ყვარელი, ჭავჭავაძის 34, საქართველოს ბანკის ყვარლის ფილიალი; ქ. საგარეჯო, აღმაშენებლის ქ. 17, საქართველოს ბანკის საგარეჯოს ფილიალი; ლაგოდეხი, კოსტავას ქ.15, საქართველოს ბანკის ფილიალი; ქ.წნორი, კოსტავას ქ. 15, საქართველოს ბანკის წნორის ფილიალი) ელექტრონული ფოსტით მისამართზე: regionjob@bog.ge (გამოგზავნის შემთხვევაში გთხოვთ მიუთითოთ ვაკანსიის დასახელება, წინააღმდეგ შემთხვევაში თქვენი მონაცემები არ განიხილება).

სააპლიკაციო ფორმების მიღების პოლო ვადაა 2012 წლის 20 მაისი.
გისურვებთ წარმატებას!

მადლიერება

რამდენიმე დღის წინ გულთ ავად გავხდი, გამოვიძახე სასწრაფო სამედიცინო დახმარება, რომლის მედპერსონალმა არაფერი დაიშურა იმისთვის, რომ ჩემი თავი უმძიმესი მდგომარეობიდან გამოეყვანათ.მათვე გადამიყვანეს საავადმყოფოში, სადაც სამი დღე დავყავი, ექიმებმა თავი არ დაზოგეს, ყურადღება და სათანადო მკურნალობა არ მომაკლეს. მართალია სამედიცინო დაზღვევის პოლისი მქონდა, მაგრამ ეს არაფერ შუაშია, საქმეს თუ გულთ არ მოეკიდებო ფინანსები აქ არაფერ შუაშია.სწორედ ამითომ,ჩემი გადარჩენისთვის და კარგინ ყურადღების მოპყრობისთვის,დიდი პატივისცემით მადლობას ვუხდის სასწრაფო დახმარების მორიგე ექიმს არლოვა ტანას, მის ექთანს, თურაპეტს ნინო ნელაურს, ექთანს ლელა მატიაშვილს. მადლობა მათ იმისთვის რომ არსებობენ, იმისთვის, რომ რომ უბრალო ხალხს სიცოცხლეს გვინარჩუნებენ. ყველა მათგანს ვუსურვებ დიდხანს სიცოცხლეს და უღვე სიხარულს.

პატივისცემით,
პალვა შიტინიშვილი, სოფელ ნითელწყაროს მცხოვრები

რამდენიმე დღის წინ, მუნიციპალიტეტის საკრებულოს თავმჯდომარეს ლევან ბალაშვილს თხოვნი მივმართე, მისმა კარგმა მიღებამ მოლოდინს გადააჭარბა, აღფრთოვანებული დავრჩი ამ პატივად ბიჭის ადამიანური და მოკიდებულებით და საქმისადმი მიდგომით, ასეთი კარგი მიღება კარგა ხანია რაიონის ხელმძღვანელობაში არ მასსოვს. მიმანია, რომ ის ნამდვილად ჩვენი რაიონის ღირსეული შვილი და საუკეთესო ლიდერია, მადლობა მას ყველაფრისათვის.

პატივისცემით,
ელისო გოსტოვანაშვილი-კატიცინა

იხილება!

ქ. დედოფლისწყაროში, რუსთაველის ქ.№26 (ავთიაქის გვერდით), პირველ სართულზე იყიდება ერთოთახიანი ბინა, რომელიც გამოიყენება როგორც საცხოვრებლად, ასევე კომერციული საქმიანობისთვისაც. ყიდვა შეიძლება განვადებითაც. დაინტერესებულმა პირებმა დარეკეთ: 571 55 99 51. იკითხეთ ლია. ფასი შეთანხმებით

ამინდი

შაბათი 12.05	კვირა 13.05	ორშაბათი 14.05	სამშაბათი 15.05	ოთხშაბათი 16.05	ხუთშაბათი 17.05	პარასკევი 18.05	
დღე	ღამე	დღე	ღამე	დღე	ღამე	დღე	ღამე
20°	13°	21°	14°	19°	15°	19°	15°

გამომცემელი შპს „შირაპი“
დირექტორი ინგა შიოლაშვილი
რედაქტორი ნაირა გორაშვილი-პოპიაშვილი
წერილობითი მთავარი ფაქტებსა და ციფრებზე პასუხს აგებს ავტორი.

სარედაქციო კოლეგია: ლალი მხერტიანი, ილია მარტყოფიანი (კორექსორები); მინაილ გვარამია (სტილისტ-მწევერი); ნათელა მუსხაშვილი (ბუღალტერი); ნინო ჯანაშვილი (ფინანს-მწევერი); მზინა ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).

გაზეთი აიწყო და დაკაბდონდა „შირაპის“ კომპიუტერულ ბაზაზე. დაიბეჭდა შპს „საარის“ სტამბაში

რედაქციის მისამართი: ქ. დედოფლისწყარო, ფროსმანის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.